



Pou Piblikasyon Imedya: 10/02/2022

GOUVÈNÈ KATHY HOCHUL

**GOUVÈNÈ HOCHUL ANONSE 230 MILYON DOLA NAN ASISTANS ALIMANTÈ
SIPLEMANTÈ POU NOUYÒKÈ YO NAN MWA FEVRIYE A**

Tout fwaye SNAP yo pral resevwa nivo avantaj alimantè maksimòm

***Yo te distribye plis pase 2.5 milya dola nan avantaj siplemantè nan New York an
2021***

Gouvènè Kathy Hochul te anonse jodi a ke tout Nouyòkè ki enskri nan Pwogram Asistans Nitrisyon Siplemantè (Supplemental Nutrition Assistance Program, SNAP) a ap resevwa nivo avantaj alimantè maksimòm ki otorize a pou mwa fevriye a. Tout fwaye k ap patisipe nan SNAP—sa gen ladan sila yo ki deja nan nivo avantaj maksimòm—pral resevwa alokasyon siplemantè pita nan mwa sa a, sa ki pral mennen nan anviwon 230 milyon dola finansman federal nan ekonomi eta a.

"Pandemi an kontinye agrave ensekirite alimantè nan tout Eta New York, sa ki refleto pa gwo kantite kay ki kontinye konte sou kout men an ki se Pwogram Asistans Nitrisyon Siplemantè (Supplemental Nutrition Assistance Program, SNAP) a", **Gouvènè Hochul te deklare.** "Benefis manje enpòtan sa yo ap jwe yon wòl entegral nan ede Nouyòkè yo mete manje sou tab la, sa k ap bay soulajman ki nesesè anpil pandan n ap kontinye pran mezi agresif nan batay nou kont COVID-19 la."

Sipleman èd ijans lan bay ak fwaye yo ki pa nòmalman resevwa alokasyon maksimòm ki otorize chak mwa nan SNAP - yon pwogram ki finanse pa gouvènman federal epi se Biwo Asistans Tanporè ak Andikape (Office of Temporary and Disability Assistance, OTDA) eta a ki administre li. Fwaye sa yo ki deja toupre oswa nan nivo maksimòm avantaj la -835 dola pou yon fwaye ki gen kat moun pral resevwa yon peman siplemantè omwen 95 dola.

Fwaye SNAP k ap viv nan tout konte ki andeyò Vil New York yo ta dwe wè avantaj sa yo ki afiche ant kounye a ak fen jounen jedi 17 fevriye a. Fwaye SNAP sa yo k ap viv nan rejyon senk konte Vil New York la dwe wè avantaj pa yo afiche ant jedi 10 fevriye ak vandredi 25 fevriye.

Apati mwa avril 2020, OTDA te kòmanse bay avantaj siplemantè an ijans pou fwaye SNAP ki te resevwa mwens pase kantite maksimòm avantaj chak mwa a. Lè deklarasyon ijans Eta New York la te ekspire an jen 2021 an, ajans la te travay avèk

siksè ak gouvènman federal la pou garanti alokasyon maksimòm pou tout fwaye SNAP yo jiska ekspirasyon deklarasyon federal la, ki kounye a yo prevwa rive nan mwa me.

Sèlman ane pase a, OTDA te distribye plis pase 2.5 milya dola nan avantaj siplemantè. Prèske 1.6 milyon fwaye ki totalize plis pase 2.7 milyon Nouyòkè te resevwa sipleman yo an desanm.

Avantaj SNAP yo jwe tou yon wòl enpòtan nan rekiperasyon ekonomik New York la, avèk chak dola federal ki investi k ap jenere jiska 1.54 dola nan aktivite ekonomik, dapre yon [etid federal](#) ki mezire enpak SNAP sou ekonomi Etazini an. Etid la te jwenn tou ke 1 milya dola siplemantè ki investi nan nouvo avantaj SNAP yo ka sipòte apeprè 13,560 travay nan tout peyi a.

Komisè Pa Enterim OTDA, Daniel W. Tietz, te deklare, "Okenn Nouyòkè pa ta dwe oblije gen enkyetid sou ki kote y ap jwenn mwayen pou nouri fwaye yo. Avantaj siplemantè sa yo te jwe yon wòl enpòtan nan ede plizyè santèn milye kay atravè eta nou an pou yo debwouye yo epi evite ensekirite alimantè."

Menm jan pou mwa ki pase yo, peman yo ap fèt dirèkteman sou kont Transfè Elektwonik Avantaj (Electronic Benefit Transfer) benefisyè yo deja genyen an epi y ap kapab itilize l avèk kat EBT yo deja genyen an. Menm jan ak avantaj nòmal SNAP yo, avantaj siplemantè yo ka sèvi pou achte manje nan magazen ki vann manje an detay ki otorize yo. Tout avantaj SNAP ki pa sèvi yo ap otomatikman rapòte nan pwochen mwa k ap vini an.

Jwenn plis enfòmasyon sou avantaj siplemantè SNAP pou ka dijans yo, ansanm ak repons pou kesyon moun poze souvan yo, [isit la](#). Nouyòkè yo kapab verifye si yo elijib pou SNAP epi aplike sou entènèt lè yo ale sou mybenefits.ny.gov.

###

Lèt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)